



Broj: 01- 145/15
Vareš, 30.09. 2015. godine

Z A P I S N I K
s 29. sjednice Općinskog vijeća Vareš,
održane 30.07. 2015. godine

Zdravko Marošević – predsjedavajući Općinskog vijeća Vareš, otvorio je 29. sjednicu s početkom u 09,00 sati, u velikoj sali Općine Vareš.

Izvršena je prozivka vijećnika.

Prisutni vijećnici: Ismet Abdulahović, Boško Andrić, Tajiba Brkić, Asmir Čizmo, Zdenko Franjić, Osman Ibrišimović, Emir Islamović, Kenan Kamenjaš, Đemo Kevrić, Zdravko Marošević, Mario Mirčić, Safeta Muftić, Elvir Rožajac, Jasmin Salketić, Tarik Kovač i Nikola Šimić.

Odsutni: Mahira Brkić, Goran Selak i Mato Pavić.

Pored vijećnika sjednici prisustvuju: Općinski načelnik – gosp. Avdija Kovačević, tajnik Općinskog vijeća – gosp. Leon Pavlović, pomoćnici općinskog načelnika, ispred Službi za upravu gosp. Đido Mersad i gosp. Nermin Aščerija, ispred JU Dom zdravlja Vareš – direktor gosp. Fikret Operta i gosp. Čizmo Adis, predstavnik OSCE – gosp. Daut Bajramović i predsjednici političkih stranaka.

Tajnik OV Leon Pavlović izvijestio je Vijeće o realizaciji Zaključaka sa 28. sjednice OV održane 03. i 16. 06. 2015. godine. Na 28. sjednici OV donesena su dva (2) zaključka, jedan (1) zaključak je realiziran, a jedan (1) je u toku realizacije. Postavljeno je sedam (7) vijećničkih pitanja. Na šest (6) vijećničkih pitanja nadležni su dostavili pismeni odgovor podnosiocima pitanja, na jedno (1) vijećničko pitanje Stručna služba OV nije dobila pismeni odgovor.

(Vijećnička pitanja)

Elvir Rožajac

1. Traži od nadležnih da iznađu mogućnost sapiranja korita rijeke Stavnje zbog neugodnog mirisa kanalizacije. O postavljenom pitanju dao je pojašnjenje.

Safeta Muftić

2. Zašto se ne izvrši zamjena pregorjelih sijalica gradske rasvjete u naselju Selište i Pruga? Kada će firma iz Breze izvršiti zamjenu istih? O postavljenom pitanju dala je pojašnjenje.

Đemo Kevrić

Ponovo traži odgovor na postavljeno pitanje na prošloj sjednici OV koje se odnosi na potraživanja i dugovanja Općine Vareš. Podatke dostaviti za narednu sjednicu. O postavljenom pitanju dao je pojašnjenje.

3. Traži da se konačno krene sa sanacijom lokalnog puta Striježevo-Kokošćići i svih lokalnih puteva gdje postoji potreba (odnosi se na ljetno održavanje lokalnih puteva). O postavljenom je dao pojašnjenje.

Ismet Abdulahović

4. Šta je sa Odlukom o dodjeli novčane pomoći za porodilje, da li se ista počela provoditi, i ako nije, da se odgovori zašto se nije počela sprovoditi.
5. Šta je sa sredstvima namijenjenim za nastradale u prošlogodišnjim poplavama, kada će sredstva biti isplaćena nastradalim i ako neće biti realizacije zašto neće? Traži pismeni odgovor.

Mario Mirčić

6. Dokle se došlo u realizaciji obnove potpuno stradalih kuća u prošlogodišnjim poplavama (3 stambena objekta)?

Općinski načelnik Avdija Kovačević u okviru aktualne problematike na području općine Vareš za današnju sjednicu nije imao obraćanje.

Predsjedavajući OV stavio je na raspravu Zapisnik sa 28. sjednice OV.

Nije bilo primjedbi i predsjedavajući OV stavio je na izjašnjanje Zapisnik sa 28. sjednice OV, te nakon izjašnjanja vijećnika konstatira da je **Zapisnik sa 28. sjednice OV jednoglasno usvojen.**

Predsjedavajući OV stavio je na raspravu prijedlog dnevnog reda za 29. sjednicu OV koji je usuglašen na Kolegiju Općinskog vijeća.

Općinski načelnik Kovačević Avdija kao ovlaštenu predlagač predložio je dopunu dnevnog reda sa točkom 3. „Prijedlog Rješenja o davanju suglasnosti Blaženku Miletović, iz Vareša, Pogar bb da može izvršiti promet nedovršenog stambenog objekta“, ostale tačke bi se pomjerile za jedno mjesto.

Otvorena je rasprava o prijedlogu dopune dnevnog reda u kojoj je vijećnik Ismet Abdulahović uputio pitanje tajniku OV da li je po propisima OV da ovakvo Rješenje razmatra Vijeće ako isto nije razmatrala Komisija za statutarna pitanja i propise.

Tajnik OV Leon Pavlović podsjetio je Vijeće da ni jedno Rješenje do sada koje je vođeno u upravnom postupku a radi se o suglasnosti Vijeća, nije išlo na Komisiju za statutarna pitanja i propise. Nadležnosti Komisije su utvrđene Poslovníkom o radu OV. Naglasio je da nema nikakvih smetnji da Vijeće razmatra Rješenje po zahtjevu predlagača, odnosno da nema povrede Poslovníka o radu OV.

Predsjedavajući OV stavio je na izjašnjanje prijedlog dopune dnevnog reda sa točkom 3. „Prijedlog Rješenja o davanju suglasnosti Blaženku Miletović, iz Vareša, Pogar bb da može izvršiti promet nedovršenog stambenog objekta“.

Nakon izjašnjanja vijećnika predsjedavajući OV konstatira da je sa **14 glasova „ZA“ i 2 glasa „PROTIV“ prihvaćen** prijedlog dopune dnevnog reda 29. sjednice OV sa točkom 3. **„Prijedlog Rješenja o davanju suglasnosti BLAŽENKU MILETOVIĆ, iz Vareša, Pogar bb da može izvršiti promet nedovršenog stambenog objekta.“**

Nije više bilo rasprave i predsjedavajući OV stavio je na izjašnjanje prijedlog dnevnog reda za 29. sjednicu sa prihvaćenom dopunom, te nakon izjašnjanja vijećnika konstatira da je **jednoglasno usvojen s l i j e d e ć i**

Dnevni red

1. Izvještaj/Izvješće o izvršenju budžeta/proračuna općine Vareš za period januar/siječanj – juni/lipanj 2015. godine.
(Izvjestilac Općinski načelnik gosp. Avdija Kovačević)
2. Prijedlog Odluke o utvrđivanju Metodologije za izradu izvještaja o radu javnih preduzeća i javnih ustanova.
(Izvjestilac gosp. Đido Mersad)
3. Prijedlog Rješenja o davanju saglasnosti BLAŽENKU MILETOVIĆ, iz Vareša, Pogar bb da može izvršiti promet nedovršenog stambenog objekta.
(Izvjestilac Općinski načelnik gosp. Avdija Kovačević)
4. Prijedlog Rješenja o imenovanju Stručne komisije za prodaju prometne vrijednosti nekretnina.
(Izvjestilac Općinski načelnik gosp. Avdija Kovačević)
5. Izvještaj o zdravstvenom stanju stanovništva i organizaciji zdravstva na području Općine Vareš u 2014. godini.
(Izvjestilac Direktor i Upravni odbor JU Dom zdravlja Vareš)
6. Izvještaj o radu Komisije za utvrđivanje prometne vrijednosti nepokretnosti za 2014. godinu.
(Izvjestilac gosp. Aščerija Nermin)
7. Izvještaj o stepenu implementacije Plana upravljanja otpadom općine Vareš 2014- 2019. godina.
(Izvjestilac gosp. Ermin Musa)
8. Informacija o ostvarivanju osnovnih i dopunskih prava iz oblasti boračko - invalidske zaštite na području općine Vareš.
(Izvjestilac gosp. Čedomir Jelić)
9. Informacija o stipendiranju i stipendistima općine Vareš u 2014/2015. godini.
(Izvjestilac gosp. Čedomir Jelić)
10. Informacija o provođenju lokalnog ekološkog akcionog/akcijskog plana za općinu Vareš u 2014. godini.
(Izvjestilac gosp. Ermin Musa)
11. Prijedlog Programa obilježavanja Dana općine Vareš u 2015. godini.
(Izvjestilac gosp. Čedomir Jelić)
12. Tekuća pitanja.

Ad. 1.

(Izveštaj/Izvešće o izvršenju budžeta/proračuna Općine Vareš za period januar/siječanj – juni/lipanj 2015. godine.)

Komisija za privredu, financije i proračun na 11. sjednici održanoj 27.07.2015. godine jednoglasno je donijela slijedeći Zaključak:

- Komisija nije imala primjedbi na Izveštaj/Izvešće o izvršenju budžeta/proračuna Općine Vareš za period januar/siječanj – juni/lipanj 2015. godine.

Ovlašteni predlagač nije imao dodatno pojašnjenje za ovu točku dnevnog reda.

Otvorena je rasprava u kojoj su svoja mišljenja, stavove, prijedloge, pitanja i primjedbe iznijeli vijećnici: Elvir Rožajac, Zdenko Franjić, Đemo Kevrić, Jasmin Salketić, Safeta Muftić, Mario Mirčić, Kenan Kamenjaš i Ismet Abdulahović (predložio je da se prilikom izrade godišnjeg izvještaja u isti uvrsti obaveza „povrat poreza“).

Vijećnik Đemo Kevrić javio se za riječ i podsjetio je da u svom izlaganju ispred Kluba BPS i u svoje lično ime od ovlaštenog predlagača tražio odgovore koji se odnose na utrošak sredstava, te da nije dobio odgovore koje je tražio.

Nije više bilo učesnika u raspravi i predsjedavajući OV stavio je na izjašnjavanje Izveštaj/Izvešće o izvršenju budžeta/proračuna Općine Vareš za period januar/siječanj – juni/lipanj 2015. godine.

Nakon izjašnjavanja vijećnika predsjedavajući OV konstatira da **je sa 10 glasova „ZA“ i 6 glasova „PROTIV“ usvojen**

***Izveštaj/Izvešće o izvršenju budžeta/proračuna
Općine Vareš za period januar/siječanj – juni/lipanj 2015. godine.***

Ad.2.

(Prijedlog Odluke o utvrđivanju Metodologije za izradu izvještaja o radu javnih poduzeća i javnih ustanova.)

Ispred ovlaštenog predlagača Mersad Đido dao je dodatno pojašnjenje za ovu točku dnevnog reda i upoznao prisutne sa uvrštenom dopunom u Metodologiji na osnovu prijedloga vijećnika Đeme Kevrić, koji se odnosi na dopunu na strani 3 sa točkom 12. koja glasi „Uporedni pokazatelji planiranih i realiziranih prihoda za izvještajni period.“

Također je upoznao prisutne o sprovedenim aktivnostima na osnovu prijedloga vijećnika Maria Mirčić ispred Kluba koalicije HDZ-NHI-HSS koji se odnosi na očitovanje javnih ustanova i javnih preduzeća na prijedlog Metodologije.

Otvorena je rasprava u kojoj su učestvovali vijećnici Mario Mirčić i Safeta Muftić.

Nije više bilo učesnika u raspravi i predsjedavajući OV zatvorio je raspravu i stavio na izjašnjavanje Prijedlog Odluke o utvrđivanju Metodologije za izradu izvještaja javnih preduzeća i javnih ustanova.

Nakon izjašnjavanja vijećnika predsjedavajući OV konstatira da **je jednoglasno (16 glasova „ZA“) usvojena**

***Odluka o utvrđivanju Metodologije za izradu
izvještaja javnih preduzeća i javnih ustanova***

Ad.3.

(Prijedlog Rješenja o davanju suglasnosti BLAŽENKU MILETOVIĆ, iz Vareša, Pogar bb da može izvršiti promet nedovršenog stambenog objekta.)

Ovlašteni predlagač nije imao dodatno pojašnjenje za ovu tačku dnevnog reda.

Nije bilo rasprave po ovoj točki dnevnog reda i predsjedavajući OV stavio je na izjašnjavanje Prijedlog Rješenja o davanju suglasnosti BLAŽENKU MILETOVIĆ iz Vareša, Pogar bb da može izvršiti promet nedovršenog stambenog objekta.

Nakon izjašnjavanja vijećnika predsjedavajući OV konstatira da je **jednoglasno (16 glasova „ZA“), usvojeno**

Rješenje o davanju suglasnosti BLAŽENKU MILETOVIĆ iz Vareša, Pogar bb da može izvršiti promet nedovršenog stambenog objekta.

Ad.4.

(Prijedlog Rješenja o imenovanju Stručne komisije za prodaju prometne vrijednosti nekretnina.)

Ovlašteni predlagač nije imao dodatno pojašnjenje za ovu tačku dnevnog reda.

Nije bilo učesnika u raspravi i predsjedavajući OV stavio je na izjašnjavanje Prijedlog Rješenja o imenovanju Stručne komisije za prodaju prometne vrijednosti nekretnina.

Nakon izjašnjavanja vijećnika predsjedavajući OV konstatira da je **jednoglasno (16 glasova „ZA“) usvojeno**

Rješenje o imenovanju Stručne komisije za prodaju prometne vrijednosti nekretnina.

Ad.5.

(Izveštaj o zdravstvenom stanju stanovništva i organizaciji zdravstva na području općine Vareš u 2014. godini.)

Direktor JU Dom zdravlja Vareš gosp. Fikret Operta obratio se Vijeću i u svom obraćanju dao je dodatno pojašnjenje za ovu tačku dnevnog reda i upoznao prisutne o sprovedenim i planiranim aktivnostima JU Dom zdravlja Vareš u prvom polugodištu tekuće godine. Pozvao je sve vijećnike da iznesu svoje prijedloge i mišljenja u vezi zdravstvene zaštite na području općine Vareš.

Otvorena je rasprava u kojoj su iznijeli svoja mišljenja, sugestije, stavove, prijedloge i primjedbe vijećnici: Ismet Abdulahović (koji je predložio direktoru JU Dom zdravlja Vareš da se prilikom naručivanja pacijenata kod ljekara obrati pažnja da se pacijenti iz udaljenih mjesta ne naručuju u kasnim poslijepodnevnim satima i da prilikom obilaska pacijenata u MZ Dabravine od strane terenske medicinske sestre, zbog velikog broja stanovništva, istoj se odobri-produži vrijeme trajanja obilaska pacijenata.), Elvir Rožajac, Tajiba Brkić, Boško Andrić, Demo Kevrić, Mario Mirčić, Safeta Muftić, Zdenko Franjić, Jasmin Salketić i predsjedavajući OV Zdravko Marošević.

Predsjedavajući OV pozvao je direktora JU Doma zdravlja Vareš da odgovori na postavljena pitanja vijećnika u raspravi.

Direktor JU Dom zdravlja Vareš gosp. Fikret Operta zahvalio se svima na upućenim kritikama i u svom obraćanju dao je odgovore na postavljena pitanja vijećnika u raspravi (mogućnost izrade parking prostora i prilaza za invalidna lica u JU Dom zdravlja Vareš, rad terenske ambulante na

Pržićima, sistem rada porodične medicine-naručivanje pacijenata, rad ambulante u Vareš Majdanu, liječenje građana općine Vareš u KC Sarajevu itd.).

Nije više bilo učesnika u raspravi i predsjedavajući OV stavio je na izjašnjanje Izvještaj o zdravstvenom stanju stanovništva i organizaciji zdravstva na području općine Vareš u 2014. godini.

Nakon izjašnjanja vijećnika predsjedavajući OV konstatira da **je jednoglasno (16 glasova „ZA“) prihvaćen**

Izvještaj o zdravstvenom stanju stanovništava i organizaciji zdravstva na području općine Vareš u 2014. godini.

Predsjedavajući OV dao u pauzu u trajanju od 45 minuta.

Nastavljeno je sa radom današnje sjednice.

Vijećnik Ismet Abdulahović iz opravdanih razloga i uz dopuštenje predsjedavajućeg OV napustio je sjednicu.

Ad.6.

(Izvještaj o radu Komisije za utvrđivanje prometne vrijednosti nepokretnosti za 2014. godinu.)

Ovlašteni predlagač nije imao dodatno pojašnjenje za ovu tačku dnevnog reda.

Nije bilo učesnika u raspravi i predsjedavajući OV stavio je na izjašnjanje Izvještaj o radu Komisije za utvrđivanje prometne vrijednosti nepokretnosti za 2014. godinu.

Nakon izjašnjanja vijećnika predsjedavajući OV konstatira da **je jednoglasno (15 glasova „ZA“) prihvaćen**

Izvještaj o radu Komisije za utvrđivanje prometne vrijednosti nepokretnosti za 2014. godinu.

Ad.7.

(Izvještaj o stepenu implementacije Plana upravljanja otpadom općine Vareš 2014-2019. godina.)

Ovlašteni predlagač nije imao dodatno pojašnjenje za ovu tačku dnevnog reda.

Nije bilo učesnika u raspravi i predsjedavajući OV stavio je na izjašnjanje Izvještaj o stepenu implementacije Plana upravljanja otpadom općine Vareš 2014-2019. godina.

Nakon izjašnjanja vijećnika predsjedavajući OV konstatira da **je sa 10 glasova „ZA“ i 5 „SUZDRŽANIH“ glasova prihvaćen**

Izvještaj o stepenu implementacije Plana upravljanja otpadom općine Vareš 2014-2019. godina.

Ad.8.

(Informacija o ostvarivanju osnovnih i dopunskih prava iz oblasti boračko-invalidske zaštite na području općine Vareš.)

Ispred predlagača Đido Mersad dao je dodatno pojašnjenje za ovu tačku dnevnog reda i upoznao Vijeće o izmjenama određenih podataka u Izvještaju koje su nastale nakon njegove izrade, a odnose se na isplatu odobrenih finansijskih sredstava

Otvorena je rasprava u kojoj su svoja mišljenja, primjedbe i prijedloge iznijeli vijećnici: Elvir Rožajac, Safeta Muftić, Jasmin Salketić (predložio je da spisak korisnika koji su ostvarili prava iz oblasti BIZ-e ne bude sastavni dio Informacije), Kenan Kamenjaš, Đemo Kevrić, Boško Andrić i Đido Mersad koji je dao pojašnjenje na određene primjedbe vijećnika u raspravi.

Nije više bilo učesnika u raspravi i predsjedavajući OV konstatira uz Zaključak da je Vijeće **primilo k znanju**

Informaciju o ostvarivanju osnovnih i dopunskih prava iz oblasti boračko-invalidske zaštite na području općine Vareš.

Ad.9.

(Informacija o stipendiranju i stipendistima općine Vareš u 2014/2015. godini.)

Otvorena je rasprava u kojoj su učestvovali vijećnici Tajiba Brkić i Tarik Kovač koji je iznio stav studenata općine Vareš da se pokuša urgirati kod nadležnog kantonalnog ministarstva da se odobrena sredstva za stipendije redovnije uplaćuju.

Nije više bilo učesnika u raspravi i predsjedavajući OV konstatira uz Zaključak da je Vijeće **primilo k znanju**

Informaciju o stipendiranju i stipendistima općine Vareš u 2014/2015. godini.

Ad.10.

(Informacija o provođenju lokalnog ekološkog akcionog/akcijskog plana za općinu Vareš u 2014. godini.)

Otvorena je rasprava u kojoj je učestvovao vijećnik Boško Andrić i dao osvrt na spomenike kulture na području općine Vareš.

Nije više bilo učesnika u raspravi i predsjedavajući OV konstatira uz Zaključak da je Vijeće **primilo k znanju**

Informaciju o provođenju lokalnog ekološkog akcionog/akcijskog plana za općinu Vareš u 2014. godini.

Ad.11.

(Prijedlog Programa obilježavanja Dana općine Vareš u 2015. godini.)

Nije bilo učesnika u raspravi i predsjedavajući OV stavio je na izjašnjavaње Prijedlog Programa obilježavanja Dana općine Vareš u 2015. godini.

Nakon izjašnjavaња vijećnika predsjedavajući OV konstatira da je **jednoglasno (15 glasova „ZA“) usvojen**

Program obilježavanja Dana općine Vareš u 2015. godini.

Ad.12.

(Tekuća pitanja.)

1. Predsjedavajući OV upoznao je prisutne da je Kolegij OV upoznat sa dopisom gosp. Kate Lovrenović i da je zaključeno da se nadležna Služba (komunalno - građevinski inspektor) pismeno očituje po istom.
2. Predsjedavajući OV upoznao je prisutne da je Vijeću dostavljena primjedba građanina koja se odnosi na neprimjerno ponašanje djelatnika PS Vareš. Predsjedavajući OV je konstatirao da se isti dopis prosljedi glavnom inspektoru - komandiru PS Vareš da se o istom očituje.
3. Vijećnik Elvir Rožajac uputio je sugestiju da nadležni iz organa uprave Općine Vareš sugerišu JKP d.o.o. Vareš da se pristupi čišćenju javne česme „Toplik“.
4. Vijećnik Mario Mirčić podsjetio je na postavljena pitanja-inicijative na prošloj sjednici OV pod točkom „Tekuća pitanja“. Na dva pitanja je dobio odgovor, na četiri pitanja nije dobio nikakvu povratnu informaciju (uspostava naplatnog mjesta BHTelecoma, sanacija dijela Kapije, međusobno usaglašavanje potraživanja i dugovanja između Općine Vareš i TRD i aktivnosti oko JP ŠPD Vareš i Olovo).
5. Vijećnik Đemo Kevrić traži ako može da se sugerišu JKP d.o.o. Vareš, da zbog učestalih vrućina, češće vrše odvoz smeća. Također je postavio pitanje da li je u nadležnosti Općine Vareš – Vijeća da da suglasnost za isporuku vode na druge općine (konkretno misli na izvorište „Crna vrela“).
6. Vijećnik Mario Mirčić podsjetio je prisutne na Zaključak sa prošle sjednice OV da menadžment JKP d.o.o. Vareš i nadležne Službe organa uprave Općine Vareš razmotre prijedlog mjera u Izvještaju o radu preduzeća koji se odnosi na mogućnost prodaje vode.

Sastavni dio ovog Zapisnika je audio zapis sjednice.

Sjednica je završena u 13,20 sati.

TAJNIK

Leon Pavlović

ZAPISNIČAR

Azra Ibrahimović

PREDSJEDAVALJUĆI

Zdravko Marošević